

Acehnese - Sidadu Alkitab - Soldiers Scriptures

Efesus 6:10-18

10 Akhé jih, bah kheueh gata teuga ngon teunaga nyang gata teumé nibak kuasa Tuhan, sabab gata meusaboh ngon Gobnyan. 11 Peuguna kheueh banmandum peuleungkapan prang nyang geubri lé Jehovah keugata, mangat gata hase meuteun talawan siasat-siasat nyang lisek nibak Iblih. 12 Sabab tanyoe meujuang kon talawan manusia, teuma talawan teunaga banmandum jén-jén nyang jikuasa jamén nyang jeuhet nyoe. Tanyoe talawan teunaga roh-roh jeuhet nyang kuasa ruweueng angkasa. 13 Sabab nyan, jinoenyoe, peuguna kheueh banmandum peuleungkapan prang Jehovah, mangat bak uroe nyang jeuhet gata hase talawan watée jiseurang lé musoh. Dan watée gata ka lheueh meujuang sampoe akhé, gata mantong teutab gagah peukasa. 14 Bah kheueh gata siab sabe. Peuguna kheueh keuseutiaan gata ubak Jehovah sibagoe taloe keuieng, dan jujoe sibagoe bajée beuso gata. 15 Bah kheueh keurilaan até gata tapeusampoe Haba Gét nyang teuba ubak seujahteura jeuet keusipatu gata. 16 Tieb-tieb watée peuguna kheueh peucaya gata ubak Tuhan sibagoe sinjata tangkesan gata; ngon iman nyan gata hase tapeulon banmandum aneuëk panah meuapui nyang teuka nibak sijeuhet. 17 Cok kheueh keuseulamatan sibagoe tupi beuso, dan feureuman Jehovah sibagoe peudeueng nibak Roh Jehovaah. 18 Peubuet kheueh banmandum nyan sira meudoá keuteulakée tulông ubak Jehovah. Bak tieb-tieb keuseumpatan, meudoá kheueh lagée Roh Jehovaah geupimpén gata. Bah kheueh gata sabe lam keuadaan waspada dan bék meunyeurah. Meudoá kheueh sabe keubanmandum umat Po teu Jehovah.

Zabur 91

1 Ureuëng nyang meulindong nibak Nyang Mahamanyang, dan tinggai dalam naungan Nyang Mahakuasa, 2 jeuet jipeugah ubak TUHAN, "Droeneuh kheueh nyang bila dan lindong ulôn, Jehovah lôn, ubak Droeneuh kheueh ulôn peucaya." 3 Gobnyan geupeuleupah gata nibak bala nyang teusöm, dan nibak peunyakét nyang jiba mawöt. 4 Gobnyan geupeupayong gata deungon sayeub Geuh, sampoe gata aman dalam naungan Gobnyan; keuseutiaan Gobnyan lagée peurisai nyang teulindong gata. 5 Gata hanapeu tatakot keuhai bahya bak watée malam, atawa

jiseurang ngon hana teusangka-sangka bak watée uroe; 6 meunan cit keuhai beuncana nyang teuka bak watée seupôt, atawa keuhancoran nyang teuka watée teungoh uroe. 7 Bahpi na siribée droe nyang maté bak binéh gata, dan siploh ribée droe blaih uneuen gata, teuma gata keudroe hana cidra. 8 Meunyoé gata tapandang ban sikeulileng gata, disinan deuh takalon ureuëng jeuhet keunong peumbalasan. 9 Sabab gata tapeujeuet TUHAN nyang bila gata, Nyang Mahamanyang tapeujeuet nyang lindong gata. 10 Dan gata hana keunong beuncana, rumoh gata hana jiteuka bala. 11 Po teu Jehovah geuyue jaga ubak malaikat Gobnyan keuhai gata, geulindong gata homantong nyang gata jak. 12 Awaknyan geubeuôt gata ateuh paleuet jaroe geuh, jeuet gaki gata hana meugantoh deungon batée. 13 Gata taliengkeue uleue dan singa, tagilo singa muda dan uleue meubisa. 14 Feureuman TUHAN, "Ureuëng nyang jicinta ubak Ulôn Lôn peuseulamat, nyang jiaku Ulôn Lôn peulindong. 15 Meunyoé ureuëng nyang jimeulakée ubak Ulôn, peue nyang jilakée nyan Ulôn bri. Óh watée jihnyan meukarat ka meusak, Ulôn tulông jihnyan; jihnyan Lôn sangga nibak bahya dan Ulôn bri keuhoreumatan. 16 Jihnyan Lôn peupueh deungon umu nyang panyang, dan Ulôn peuseulamat."

Zabur 18

1 Keu teupimpén kor. Zabur Nabi Daud, hamba TUHAN. Geupeuca-e ubak TUHAN watée Nabi Daud teupeuleuh nibak Saul dan nibak musoh-musoh gobnyan. 2 Ulôn cinta ubak Droneueh, ya TUHAN, Droeneueh kheueh teunaga ulôn. 3 TUHAN lagée kuta nyang kukoh teumpat ulôn meulindong. Jehovah ulôn lagée gunong batée teumpat ulôn meupayong. Lagée peurisai gobnyan geutôb ulôn, dan geujaga ulôn mangat aman hana gob peukaru pajan mantong. 4 Ulôn meulakée ubak TUHAN nyang patot teupujoe, Gobnyan geupeubeubaih ulôn nibak mandum musoh ulôn. 5 Ulôn ka jikeulileng lé bahya mawöt dan jipeunom lam ié raya keubinasaan. 6 Ulôn jikeulileng lé bahya mawöt, jeunieb mawöt kana dikeue ulôn. 7 Lam keuadaan ulôn nyang apoh apah ulôn meulakée ubak TUHAN, ulôn meudumpék ngon su meutaga ubak Jehovah lôn lakée tulông. Nibak Baét Geuh Gobnyan geudeungoe su ulôn dan geudeungoe peue nyang ulôn lakée. 8 Laju bumoe meuguncang meusu meu krab-krab, gaki-gaki gunong pih meuguncang ngon su nyang meukrab-krab teuma sabab Jehovah ka beungéh. 9 Jiteubiet asab lam ruhuéng idong Gobnyan, ngéue apui dan apui jiteubiet teuma lam babah Gobnyan. 10 Langét geuplah, laju geutron

Gobnyan nibak teumpat nyan deungon awan nyang seupôt dimiyueb gaki Gobnyan. 11 Gobnyan geupoe di ateueh kerub; Gobnyan meulayang di ateueh sayeub angén. 12 Gobnyan geupeusöm droe lam seupôt that-that; awan ngon reudôk nyang teubai jajak keulileng Gobnyan. 13 Kilat dikeue Gobnyan, jiteubiet kheueh awan, ujeuen ééh dan apui. 14 Laju TUHAN lagée geulanteue di angkasa; Nyang Mahamanyang geupeudeungoe su droe Gobnyan. 15 Gobnyan laju geutimbak dumna aneuk-aneuk panah Geuh dan geupeu crebre musoh; geusama kilat meu ulang-ulang, lé sabab nyan sampoe awaknyan jipeuplueng droe. 16 Tanoh lam laôt jibeudôh meubura dan gaki bumoe pih teubuka watée TUHAN geudot musoh Gobnyan deungon meureuka. 17 Di ateueh TUHAN geu sunyueng jaroe Geuh; laju geumat ulôn dan geutarek lam tuwie ié nyang lhok. 18 Gobnyan geupeuseulamat ulôn nibak musoh nyang peukasa dan nibak ureuëng-ureuëng nyang jibanci ulôn, sabab awaknyan lumpah that teuga nibak ulôn. 19 Awaknyan jiseurang ulôn watée ulôn jitimpa lé beuncana, teuma TUHAN jeuet keu nyang tulông ulôn. 20 Gobnyan geupeubeubaih ulôn nibak bala bahaya dan geupeuseulamat ulôn sabab Gobnyan geugaséh keu ulôn. 21 TUHAN geubalaih buet ulôn nyang beutôi; Gobnyan geubri beureukat keu ulôn sabab ulôn hana salah. 22 Ulôn taát ubak peurintah TUHAN dan hana lôn paleng nibak Jehovah ulôn. 23 Banmandum huköm Gobnyan ulôn deungoe, peurintah-peurintah Gobnyan hana ulôn peulaloe. 24 Gobnyan geuteupeue bahwa ulôn nyoe hana cacat ngon teucela dan geupeujiôh droe nibak keusalahan. 25 Teuma TUHAN geubalaih buet ulôn nyang beuna sabab Gobnyan geuteupeue ulôn nyoe hana meusalah. 26 TUHAN, Droeneueh seutia keu ureuëng nyang seutia dan jroh keu ureuëng nyang jroh. 27 Keu ureuëng nyang suci Droeneueh peugah Droeneueh suci, teuma ureuëng nyang jeuhet Droeneueh peujeuet keumusoh. 28 Ureuëng nyang miyueb até TUHAN peuseulamat, teuma ureuëng nyang sombong ngon cungkak Droeneueh peutundok. 29 Droeneueh puhu panyôt ulôn; TUHAN Jehovah ulôn nyang peu peungeuh ulôn nibak seupôt. 30 Droeneueh neupeuteuga ulôn mangat ulôn heuntam musoh; deungon tulông Jehovah ulôn peuhanco peutahanan awaknyan. 31 Buet Po teu Jehovah sampoereuna janji TUHAN jeuet teupeucaya. Gobnyan lagée peurisai keu mandum ureuëng nyang meulindong nibak Gobnyan. 32 Sabab TUHAN kheueh Po teu Jehovah; Jehovah mantong nyang jeuet keu nyang bila geutanyoe. 33 Gobnyan kheueh Jehovah nyang ka geupeuteuga ulôn dan nyang peusaneut rot ulôn aman. 34 Gobnyan nyang peuteuga gaki ulôn

lagée gaki rusa, dan nyang jaga keuseulamatan ulôn di ateueh gunung-gunong. 35 Gobnyan nyang latih ulôn pakriban cara muprang, sampoe hase ulôn reuntang busur nyang paleng teuga. 36 TUHAN, Droeneueh kheueh nyang lindong dan peuseulamat ulôn, dan nyang tumpang ulôn deungon kuasa Droeneueh; ulôn hase meunang sabab tindakan Droeneueh. 37 Droeneueh jaga ulôn mangat ulôn bék keunong teun, dan ulôn hántom na reubah. 38 Laju ulôn tiyeub musoh lôn dan lôn peutaloe awaknyan, dan pantang lôn surot sampoe awaknyan banmandum binasa. 39 Ulôn seumpom awaknyan sampoe hana hasele jibeudôh, awaknyan reubah hana meudaya dimiyueb gaki ulôn. 40 Neubri ubak lôn teunaga mangat hase lôn muprang, dan beumeunang ateueh musoh-musoh lôn. 41 Sampoe musoh lôn neuyue plueng nibak ulôn; dan soemantong ureuëng nyang jibanci ubak ulôn TUHAN neupeubinasa. 42 Awaknyan jikliek ngon jiteumawök, teuma hana nyang hase tulông, awaknyan jimeulakée ubak TUHAN, teuma Gobnyan hana geutem jaweueb. 43 Awaknyan ulôn peureumok lagée abée nyang jipot lé angén, dan ulôn sampôh lagée leuhôb nibak binéh rot ueh raya. 44 Droeneueh neupeubeubaih ulôn nibak kawöm nyang doraka, dan neupeujeuet ulôn keupeunguasa ateueh bansa-bansa; bansa-bansa nyang hana lôn turi jeuet namiet lôn. 45 Ureuëng-ureuëng aséng tundok ubak ulôn dan jitaát watée jideungoe peue nyang lôn peurintah. 46 Beuhe awaknyan ka gadôh; awaknyan yo dan jiteubiet lam kuta jih. 47 TUHAN udeb! Teupujoe kheueh nyang bila lôn! Peu agong kheueh keubeusaran Jehovah nyang peuseulamat lôn! 48 Gobnyan geubri keulôn meunang ateueh musoh lôn; bansa-bansa geupeutaklok dikeue ulôn, 49 geupeuseulamat ulôn nibak lawan-lawan lôn. keujam. 50 Lé sababnyan ulôn peuagong Droeneueh lamkawan bansa-bansa, dan ulôn meunyanoye lagu puja ngon pujoe keu Droeneueh. 51 Po teu Jehovah geupeumeunang nyang paleng rayeuk ateueh raja Gobnyan, Gobnyan teutab geugaséh keu ureuëng nyang ka geupiléh, na kheueh Nabi Daud deungon keuturonan gobnyan keu siumu masa.

Pastor T. John Franklin
Church of Salvation, Healing, and Deliverance
COS-HAD.org